

食在不安

甲：鼻到香，目箍紅，爆到這大孔，想欲食，無半項，啥人知阮苦痛(寄調補破網，悲情唱出)

乙：阿無，你是咧安怎？一來就咧唱哭調仔(慢慢仔行出來，真著驚，關心開嘴問)，哎喲！無，你-----

甲：哎！無講你毋知，我甄艾嘉，以早是透早食到暗，無夠，宵夜食來湊，大家攏嘛講我是有帶食祿的「菱角嘴」，啥知影，最近-----唉！

乙：莫怪喔！是講安爾，拄好減肥，嘛是袂稜呢！

甲：唉！莫練痞話啦！我是足鬱卒，想來~想去，攞相過來~相過去，無一項會食得，連嘴焦嘛 tshuē 無一杯涼的通 lim，想到會大心氣！

乙：生理人愛趁錢，趁少無夠氣，只有良心道德擲一邊，唉！這馬，咱只會當目睷擘予金，看予明，認予清！才 bē 著銃。

甲：就是講毋，食 ē 物件，袂輸咧著 tse 咧，相連繼出問題，想著實在真厭氣，若想著 hia-ē 好食物，我的喙箍著掣未離，足想欲不管三七二十一，買來食一下仔夠氣。

乙：你喔！真正是人講的「菱角嘴無食大心氣」(無奈，搖頭)。

甲：人毋是攏講「食是福，做是祿」，攞再講我「甘願食予死，毋願死無食」。

乙：喔！「貓食鹽，存範死」，你毋驚食會落去，放 bē 出來，時到破病受苦，後悔就傷慢了。

甲：若照你安爾講，我毋著要腹肚緒 lē，看有食無干但癢！

乙：若無，你明其知影彼好料無安全，你敢吞會落去。

甲：哎！芳貢貢的好料 suah 毋敢食，人生哪啥物趣味，敢講咱干焦會當目睷
金金人傷重，隨在生理人亂舞，無人法。

乙：人講「鴨卵密密嘛有縫」，彼奸商，烏心錢會當 thàn 倂久，一旦出破，
毋但愛破產，家己良心嘛會不安，koh 予人呷痰呷瀾。

甲：毋過，這馬已經舞 kah 歸的社會亂操操了。

乙：「民以食為天」，食的物件，無安全，毋但健康受損害，連經濟嘛重傷害，
健保負擔加誠重，上嚴重的是-----

甲：好阿!擋咧，你講到哩哩嘞嘞一大拖，啥物經濟、健保，嚴重毋嚴重，這
和咱有啥牽連？

乙：講到你 bat，喙鬚好拍結，地球村的資訊是緊 koh 通光，相連繼的烏心油，
工業毒素、農藥茶，除了傷害身體，嘛傷害到“台灣”這塊看板。

甲：對啦!我有聽人講:咱的「美食王國」恐驚會變做「美食亡國」呢!以後人
若是聽到台灣食品，恐驚會退三步(無奈的雙手攤開)，安爾是要安怎才
好？

乙：哎！除了向望生理人錢要賺，道德嘛愛顧，俗語話講「君子愛財，取之
有道」。

甲：我定定聽人咧講:良心兩個，一個死，一個猶未出世，若欲向望生理人的
良心、道德，敢有效？

乙：其實，大部分的生理人攏是無辜的，你看，出代誌了後，無人來交觀，因的

收入攏大大縮水，真正是一粒鳥鼠屎，壞了一坵仔糜。

甲：好啊啦！莫講一寡五四三的，緊想看有啥物好辦法否！

乙：咱老百姓干但會當期待政府主管單位嚴格檢驗，從源頭的原料去管制、建立制度，好好管理，食會安心，逐家母才有幸福的感覺。

甲：對！對！對！政府的公權力愛出頭，好食物安心食，我就有好料通窒嘴空了。

乙：咱嘛愛好好監督政府，做政府靠山，生理人才毋敢亂舞，時間差不多啊，莫 koh 啼雄了。

甲 佻 乙：揣回美食王國好名聲，逐家愛食好料無免驚，遊客愛來台灣四界行，台灣美食好食大出名，啊~大~出~名！甄艾嘉、郝聰明，落臺行禮，勞力！